

# CARSKI GRADOVI KINE

## PEKING - XIAN- LUOYANG -DENGFANG- ŠANGAJ

### 09.05. – 19.05. 2025.

Odlazak u Kinu je avantura života! - Pande, "viseće" planine, divovski Buda, ratnici od terakote... Kina je, kao jedna od najvećih i najstarijih civilizacija svijeta, poput divovskog spleta etničkih skupina, različitih dijalekata i gastronomije te prirodnih ljepota. Upravo ta raznolikost uz prijateljsku i toplu dobrodošlicu turistima čini je privlačnom za putnike željne novih saznanja o veličanstvenoj historiji ove čudesne zemlje i o modernim dostignućima u sadašnjosti. Putovat ćete između gradova super brzim vozom, sigurno jednim od najvećih tehnoloških inovacija današnjice da biste uronili u svijet historiskih carskih gradova Luoyanga i Xiana te uživali u znamenitostima Pekinga i Šangaja.

**Cijena aranžmana:** za rezervacije do 21.09.2024. **2.229,00 EUR**  
redovna cijena od 21.09.2024. **2.329,00 EUR**

#### CIJENA ARANŽMANA UKLJUČUJE:

- Avio kartu Sarajevo-Peking-Šangaj-Sarajevo, sa svim uključenim aerodromskim taksama
- Smještaj u hotelu 4\* u Pekingu, na bazi 3 noćenja sa doručkom
- Smještaj u hotelu 4\* u Xian-u na bazi 2 noćenja sa doručkom
- Smještaj u hotelu 4\* u Dengfeng-u na bazi 1 noćenja sa doručkom
- Smještaj u hotelu 4\* u Šangaju na bazi 2 noćenja sa doručkom
- Večere i ručkove tokom putovanja u lokalnim restoranima,
- Transfer aerodrom-hotel u Pekingu i hotel-aerodrom u Šangaju
- Transfer ultra brzim vozom Peking-Xian, Xian-Luoyang i Zhengzhu -Šangaj
- Svi obilasci prema programu
- Usluge lokalnog vodiča na engleskom jeziku
- Asistencija predstavnika agencije – pratioca putovanja
- Napojnice za vodiča i vozača

#### CIJENA ARANŽMANA NE UKLJUČUJE

- Putno-zdravstveno osiguranje (22,00 KM za osobe do 60 godina; 44,00 KM za osobe od 60 - 70 godina; 50,00 KM za osobe od 70-80 godina.
- Osiguranje od otkaza putovanja
- Doplata za jednokrevetnu sobu 690,00 KM
- Individualni troškovi
- Fakultativni izlet :Acrobatic show 100,00 KM
- Ulaznice u objekte 195,00 KM (plaćaju se u agenciji)

## PROGRAM PUTOVANJA:

### 1-2 DAN (09 / 10.05.2025.) SARAJEVO-PEKING

Sastanak putnika na aerodromu u Sarajevu 2 sata prije leta. Podjela dokumenata te prijava na let TK 1026. Planirani let za Peking preko Istanbula je u 20:40 h. Dolazak u Istanbul 23:40 h. nastavak leta za Peking je u 01:35 h po lokalnom vremenu. Dolazak u Peking u 15:45 h po lokalnom vremenu. Nakon pasoške i carinske kontrole sastanak sa lokalnim vodičem, te transfer na večeru. Dobro došli u **Narodnu Republiku Kinu** 欢迎中华人民共和国 . Poslije večere odlazak u hotel i prijava. Noćenje.

### 3 DAN (11.05.2025.) PEKING

Doručak. Nakon doručka, dan započinjemo posjetom nebeskog hrama **Temple of Heaven**, Pekinški Hram neba, Rajski hram ili Oltar raja izgrađen je 1420 godine tokom vladavine cara Minglea iz dinastije Ming. Carevi dinastija Ming i Qing koristili su ovaj kompleks kako bi nudili žrtve bogovima te se molili za dobru žetvu.

S obzirom na to da pokriva površinu od nekih 273 hektara, Hram neba je najveći i najkompletniji postojeći kompleks carskih građevina izgrađenih u žrtvene svrhe. On je 1998god. ušao na listu Svjetske baštine UNESCO-a te je u službenoj odluci opisan kao "remek-djelo od velike važnosti za evoluciju jedne od najvećih svjetskih civilizacija".. Nakon obilaska, posjetit ćemo **Pearl Market (Hongqiao Market)**, koja je smještena u okrugu Dongcheng. Pekinška pijaca bisera (pijaca Hongqiao) mjesto je za sve što je vezano za bisere. Najveće tržište bisera u zemlji, prodaje dragulje u gotovo svakoj veličini, obliku, boji, kvalitetu i cijeni koja se može zamisliti, kao i niz druge robe, uključujući odjeću, elektroniku, pa čak i plodove mora.. Ovdje je moguće provesti sate tražeći savršen poklon. Pijaca bisera je svjetski poznata a premijerka Margaret Thatcher je bila redovan posjetilac. Ručak planiran u dogovoru sa grupom. Poslijepodne odlazimo do jedanog od najvećih gradskih trgova na svijetu. **Fascinantni Tiananmen ili Trg nebeskog mira** ime duguje istoimenim vratima koja označavaju ulaz u **Zabranjeni grad**, nekadašnju carsku palaču.

Površine 440.500 m<sup>2</sup>, tiananmenski trg teško će vas ostaviti ravnodušnima - ali to nije jedini razlog zbog kojeg je taj komadić Kine toliko poznat i izvan granica zemlje.

Osim što je ondje Mao Ce Tung objavio osnivanje Narodne Republike Kine 1. oktobra 1949 godine, što se slavi kao Dan državnosti Kine, trg se upisao u historiju i zbog krvavog pokolja 1989. godine. Kobna godina ostat će zapamćena po brojnim žrtvama koje su stradale na glavnom trgu. Nenaoružane demonstrante, studente, koji su se borili za slobodu i demokratizaciju, protiv korupcije i režima napala je vojska, a u jezivom sukobu nastradalo je nekoliko stotina ljudi.

Danas mnogi posjetitelji koji na Tiananmenu posjećuju spomenik narodnim herojima, Veliku dvoranu naroda, Kineski nacionalni muzej i Mauzolej Mao Ce Tunga. Nastavljamo prema **Zabranjenom gradu**, koji od Trga nebeskog mira dijele tiananmenska vrata, naziv je za nekadašnju carsku palaču kineskih dinastija Ming i Qing, a danas muzej koji se prostire se na više od 720 hiljada kvadratnih metara ima 890 zgrada i ima 9999 prostorija. Ime je dobio zbog toga što za vrijeme careva nitko osim članova carske porodice i njihovih sluga nije mogao ući unutra, tako da su i "obični" stanovnici Kine Zabranjeni grad prvi put vidjeli tek u 20 vijeku.

Od tada, Zabranjeni grad više nije 'zabranjen' sada ovdje svi mogu šetati kako bi vidjeli raskoš carskog života.

Da bi se kompleks sagradio, bilo je potrebno oko 15 godina i 200 hiljada radnika, od kojih su mnogi, baš kao i kod građenja Kineskog zida, izgubili živote zbog loših uslova rada.

Za večeru ćete imati priliku uživati u tradicionalnom specijalitetu (**pekinška patka**) a možete iskoristiti priliku i naučiti kako se jede štapićima.. Povratak u hotel. Noćenje.

#### **4 DAN (12.05.2025.)**

#### **PEKING**

Doručak. Nakon doručka dan započinjemo posjetom jednog od svjetskih čuda – Veličanstvenog, predivanog, čarobnog, i nemilosrdnog velikog **Kineskog zida** dugog gotovo 8.000 kilometara, građenog tokom punih 20 vijekova (1987 godine zid je uvršten na listu svjetske baštine UNESCO-a). Kineski zid je jedan od najveličanstvenijih dokaza rada ljudskih ruku. Ručak u restoranu u podnožju Kineskog zida.

Nakon obilaska nastavljamo odlaskom do fabrike Žada, vidjet ćete kako se drago kamenje obrađuje i pretvara u nacionalno blago. U dogovoreno vrijeme transfer do Pekinga slijedi obilazak ocharavajuće **Ljetne palače**, najveće i najbolje očuvane kraljevske bašte u Kini. Kao remek djelo dizajna kineskog pejzažnog vrta, integriše prirodni pejzaž brda i otvorene vode sa izuzetnim karakteristikama kao što su paviljoni, hodnici, palate, hramovi i mostovi u harmoničnu i estetski izuzetnu cjelinu. Palata je 1998 godine uvrštena na UNESCO listu svjetske baštine. Nastavljamo odlaskom do **Hutonga** gdje najbolje možete osjetiti tradicionalni duh Pekinga. Uske, vijugave uličice između redova jednospratnica nazivaju se Hutong, nekada je to bio klasičan način života stanovnika, a danas su tu uglavnom radnje, suvenirnice i restorani. Većina ih je nestala i zamijenjena savremenim građevinama, no preostali kvartovi s hutonzima danas su turistička atrakcija grada. Za razgledavanje će se koristiti rikše i panoramska vozila, kako biste što više vidjeli i upoznali način života iz prošlosti grada. Nakon obilaska slijedi večera. Povratak u hotel, noćenje.

#### **5 DAN (13.05.2025)**

#### **PEKING – XIAN G55 (09:55 h -14:05 h)**

Doručak. Nakon doručka odjava iz hotela, transfer na željezničku stanicu te vožnja modernim vozom koji razvija velike brzine u grad Xian. Super brzi vozovi su danas ponos Kine, ogledalo njenog silovitog tehnološkog razvoja. Vožnja traje oko 4,5 do 5 h, zavisno od usputnih gradova u kojima se zaustavlja linija, tokom vožnje možete promatrati zanimljive krajolike, gradove i sela. Po dolasku u Xian slijedi obilazak najpoznatijih gradskih zidina. Postojeći **antički gradski** zid u Xianu izgrađen je od 1370. do 1378. godine nove ere po nalogu prvog cara iz dinastije Ming – Zhu Yuanzhanga (朱元璋). Mnogo prije uspostavljanja dinastije Ming, Zhu Yuanzhang je savjetovan od strane pustinjaka: "izgradite visoke zidove, skupite zalihe hrane i odvojite vrijeme da preuzmete tron". Nakon što je ujedinio zemlju i uspostavio dinastiju Ming, počeo je da gradi gradske zidine širom zemlje. U to vrijeme izgrađen je stari gradski zid Xiana. Xian je nekada bio glavni grad dinastije Tang (618. - 907. ne), nekada se zvao Chang An (长安). Drevni gradski zid

izgrađen u dinastiji Ming izgrađen je i proširen na temeljima imperijalnog gradskog zida dinastije Tang. Sada je stari gradski zid Xian najveći i najbolje očuvan postojeći drevni gradski zid u Kini. Većina dionica zidina je restaurirana i obnovljena, a zidovima je moguće prošetati ili se voziti biciklom. Nakon obilaska večera. Transfer do hotela. Prijava u hotel, noćenje.

## **6 DAN (14.05.2025)**

### **XIAN**

Doručak. Nakon doručka odlazak do **jednog od najvećih arheoloških nalazišta na svijetu grobnice Prvog kineskog cara Čina kojeg čuva vojska od terakote.**

Čudesno nalazište nedaleko Xiana, svojevrsni oblik pogrebne umjetnosti, a skulpture su nastale oko 210.godine pr.n.e. Svrha je vjerovanje da će cara zaštititi takva vojska u zagrobnom životu. Nalazište je otkriveno tek u drugoj polovici 20. vijeka, a do danas je otkopano preko 8.000 vojnika, 130 bojnih kola i 520 konja te 150 konjanika. Napravljeni su od terakote u prirodnoj veličini, a neki ratnici imaju pravo oružje. Nakon razgledavanja ove neobične podzemne vojske povratak u središte Xiana, jednog od najznačajnijih turističkih središta danas u Kini, a u prošlosti važnog carskog grada. Potom odlazak u **Muslimansku četvrt** gdje možete isprobati kulinarske specijalitet i upoznati tamošnju kulturu. Posjetit ćemo **Veliku džamiju** u Xianu jednu od najvećih premodernih džamija u Kini. Iako je džamija prvi put izgrađena 742. godine nove ere za vrijeme dinastije Tang, njen sadašnji oblik je uglavnom izgrađen 1384. godine za vrijeme vladavine cara Hongwua iz dinastije Ming. U večernjim satima šetnja pješaćkom i trgovačkom zonom znanom kao „Veliki svijetli grad dinastije Tang“. Cijelo područje je dizajnirano tako da podsjeća na dostignuća dinastije Tang, a osvjetljava ga hiljade šarenih sijalica i reflektora. Možete uživati u uličnim predstavama, raznovrsnoj i ukusnoj hrani ili kupovini. Ručak tokom dana u restoranu, noćenje u hotelu.

## **7 DAN (15.05.2025)**

### **XIAN – LUOYANG – DENG FANG**

Doručak. Nakon doručka odjava iz hotela. Transfer do željezničke stanice, ukrcaj na voz. Vožnja do grada **Luoyang**. Grada na Žutoj Rijeci koji se smatra kolijevkom kineske civilizacije. To je prvi od 4 historijska carska grada Kine, bio glavni grad 13 drevnih carskih dinastija, ali i u kasnijim vijekovima imao je važnu ulogu jer su kineska kultura i religija blisko povezane s gradom. Tu je nastao taoizam i podignut prvi budistički hram, a i mnogi značajni izumi poput proizvodnje papira, štamparske djelatnosti i kompasa vežu se uz grad. Po dolasku slijedi obilazak **pećina Longmen** koje su uvrštene u UNESCO-ov popis svjetske baštine. Nalazište se proteže oko 1 km duž obale rijeke Yi i ima oko sto hiljada kipova Bude različitih veličina u više od 2300 pećina. Kipovi i natpisi datiraju iz razdoblja od 5. do 10. vijeka, iz razdoblja dinastija Wei i Tang. Nakon razgleda povratak u grad posjet **muzeju Luoyang** koji čuva zbirku s više od 1,5 miliona predmeta; keramiku, brončano posuđe, žad, kaligrafiju, slike i budističke relikvije iz ranog doba kineske civilizacije. Kao vrlo poseban eksponat ističe se trobojna glazirana keramika iz dinastije Tang. Ručak u restoranu tokom dana. Transfer do Dengfang-a smještaj u hotel, večera, noćenje.

## 8 DAN (16.05.2025)

## DENGFANG - ŠANGAJ

Doručak. Nakon doručka odjava iz hotela. vozimo se do rodnog mjesta kineskog **Kung Fua – hrama Shaolin**, istražiti ćemo šumu Pagoda i pogledati nastupe borilačkih vještina. Nakon obilaska nastavljamo vožnjom se do Zhengzhoua da bi smo se ukrcali na brzi voz za Šangaj. Vožnja predjelima Kine uz sela i gradove uz usputna kratka zaustavljanja voza u većim gradovima. Vožnja traje oko cca 4,5 h atraktivnim prostranstvima ove velike i nadasve zanimljive zemlje. **Šangaj** je luka i najveći grad u Kini s oko 26 miliona stanovnika. Tokom 19. vijeka iz malog ribarskog naselja počela se razvijati važna luka kao centar trgovine između istoka i zapada te je već u prvoj polovici 20. vijeka postao međunarodni finansijski i poslovni centar. Danas je najveća robna luka svijeta. Po dolasku transfer do hotela večera, noćenje

## 9 DAN (17.05.2025)

## ŠANGAJ

Doručak. Nakon doručka krećemo u obilazak Šangaja. Posjetićemo **Bund**, zapadnu obalu **Huangpu** rijeke, duž koje se nalazi niz evropskih građevina iz ranog 20 vijeka. Nastavićemo prema **Nanjing Road**, pješačkoj i šoping zoni, koja se pruža između sjeveroistočne strane Narodnog trga i Bunda, gdje možete vidjeti mješavinu potpuno novih visokih objekata i objekata iz kasnog kolonijalnog perioda. Zatim pogledajte izložbu urbanističkog planiranja u Šangaju, gdje ćete naučiti kako je grad planiran, izgrađen i razvijen. Postoji ogroman model grada. Zatim možete istražiti **People's Park** u centru grada, ovdje se nalazi Kutak za sklapanje brakova, gdje roditelji objavljuju informacije mnogih slobodnih muškaraca i žena u javnosti u cilju pronalaženja idealnog partnera. Posjetit ćemo fabriku svile kako biste vidjeli i stekli znanje o jednom od najboljih proizvoda koji se tradicionalno proizvodi u Kini. Kasnije, vožnja do lokalne pijace na kojoj se prodaju odjevni predmeti, torbe i suveniri. Ručak u toku obilaska. Uz dogovor sa putnicima veče možemo završiti uz **Akrobatik show** i večerom. Noćenje.

## 10 DAN (18.05.2025)

## ŠANGAJ – ISTANBUL

Doručak. Slobodno jutro. U dogovoren vrijeme odjava iz hotela. Nakon odjave iz hotela, transfer do **tornja Orientalni biser**, ukupne visine 468 metara, popet ćemo se na loptu visoku 263 metra sa platformom, odakle ćete imati predivan pogled na grad Šangaja. U podnožju se nalazi Muzej urbane istorije i razvoja Šangaja, imaćete vremena da pogledate na ono što se ovde dešavalo u prošlim vijekovima. imat ćete priliku vidjeti arhitekturu evropskog stila iz kolonijalnog perioda kao što je knjižara Sinan, a zatim laganom šetnjom idemo do **Tianzifanga**, gdje se nalaze mnoge male trgovine i restorani koji prodaju odjeću, modne dodatke, suvenire, kafu i hranu. Nakon obilaska odlazak na večeru. Nakon večere transfer do aerodroma. Nakon pasoške kontrole prijava na let TK 27 polijetanje iz Šangaja u 22:25 h slijetanje u Istanbul predviđeno u 05:15 h

**11 DAN (19.05.2025)**

**ISTANBUL – SARAJEVO**

Nakon kraće pauze nastavak leta TK 1021 poljetanje iz Istanbula 07:25 h slijetanje u Sarajevo predviđeno u 08:15 h. Kraj usluge!

### **VAŽNE INFORMACIJE**

**Minimalan broj prijavljenih putnika za realizaciju aranžmana je 20 osoba.**

**Agencija zadržava pravo promjene cijene u slučaju promjene kalkulativnih elemenata.**

U slučaju da za putovanje ne bude prijavljen dovoljan broj putnika, organizator putovanja zadržava pravo otkazivanja ili izmjene putovanja o čemu će obavijestiti putnike najkasnije 21 dana prije početka putovanja i ovisno o raspoloživosti kapaciteta ponuditi nove uslove putovanja ili novo putovanje.

Aviokompanija zadržava pravo promjene satnice letova, u skladu sa propisima koji postoje u međunarodnom avio saobraćaju. Agencija nije odgovorna za otkazivanje, odgađanje, kašnjenje letova ili izgublenu prtljagu.

Avioprevoznik Turkish Airlines .

### **KORISNE INFORMACIJE:**

**Službeno ime:** Narodna Republika Kina

**Geografski položaj:** istočna Azija

**Površina:** 9.596.960 km<sup>2</sup>

**Broj stanovnika:** oko 1,343.000.000

**Glavni grad:** Peking, oko 20.693.000 stanovnika

**Jezik:** mandarinski i kantonski kineski

**Religija:** ateisti 60%, taoisti i budisti 30%, ostali 10%

**Vremenska razlika:** +8 sati zimi / +7 sati ljeti

**Novčana jedinica:** kineski yuan (CNY), 1 USD = oko 6,16 CNY

**Kupovina:** svila, biseri, čaj, vino i alkoholna pića, antikviteti, medicinski biljni pripravci napravljeni prema tradicionalnoj recepturi, predmeti od žada, porculana. Cjenkanje je uobičajeno.

**Napojnice:** U Kini su uobičajene napojnice za lokalne vodiče, vozače autobusa i hotelsko osoblje.

**Hrana:** meso, morski plodovi, povrće, riža i tjestenina te mnoštvo začina. Svaka regija ima karakterističan način pripreme hrane Chaozhou (kuhano meso i povrće), Šangaj (slatkovodni rakovi, pržene jegulje), Szechuan (jako začinjena i ljuta hrana).

**Napon struje:** 220V/240V (potreban je adapter)

**Vakcinisanje:** nije potrebno

**Viza:** Državljeni Bosne i Hercegovine ne trebaju vizu za putovanje u Kinu

**Pozivni broj zemlje:** +86

**Korisna web stranica:** [www.cnto.org](http://www.cnto.org)

**Klima:** zbog goleme površine i kompleksne topografije, ne postoji jedinstvena klima u Kini pa tako ni idealno vrijeme za posjet. Na sjeveru klima slični susjednom Sibiru, dok je na jugu vruće i vlažno gotovo tokom cijele godine. Sjeveroistok ima vruća, suha ljeta, ugodne jeseni i prilično hladne, uglavnom suhe zime. Proljeća su blaga, ali mogu biti kišna. Središnja obala ima povremene kiše u bilo koje doba godine, vruća i vlažna ljeta te hladne zime. Jug ima prilično padavina, duga suprotropska ljeta i blage zime. Generalno, proljeće (mart – april) i jesen (septembar – oktobar) su najugodniji za posjetu.

### **Zanimljivosti o Kini –**

- Riječ Kina potiče od riječi “Ćin” što znači brada.
- Vjerovali ili ne, Kina ima samo jednu vremensku zonu. Poređenja radi, Francuska ima čak 12.
- Jedna od najčešćih zanimacija u Kini je sakupljanje markica.
- Više od 100 miliona ljudi živi sa manje od 1 dolara dnevno.
- Broj smrtnih kazni u Kini, 4 puta je veći nego u ostatku svijeta zajedno.
- 2008. godine u Pekingu su održane Olimpijske igre, do danas upamćene kao jedne od najbolje organizovanih olimpijskih igara ikada u historiji. Procijenjuje se da je u njih uloženo 40 milijardi dolara.
- Postoje istoričari koji tvrde da je fudbal nastao u Kini prije više od 1000 godina.
- 45 milijardi štapića godišnje se baci u Kini.
- Kina je najveći svjetski izvoznik i drugi najveći uvoznik.
- Kineski lampioni predstavljaju simbol dugovječnosti.
- Proslava kineske nove godine traje 15 dana.
- Čaj je otkriven u Kini, a vjeruje se da je nastao kada je slučajno jedan list biljke pao u vrelu vodu.
- 35 miliona ljudi u ovoj zemlji i dalje živi u pećinama. Nešto slično kao što je nekada bilo i u Kapadokiji.
- Kada bi se spojile sve kineske pruge, mogle bi da okruže svijet dva puta.
- U Kini je obavezno da se kozmetički proizvodi testiraju na životinjama, dok je u Evropi to zabranjeno.
- U Kini, bijela boja predstavlja simbol žalosti, acrvena simbolom sreće.
- Svakih pet dana u nekom od velegrada širom zemlje, izgradi se jedan neboder.
- Više ljudi ide u crkvu nedjeljom u Kini, nego u čitavoj Evropi zajedno.
- Farbanje kućnih ljubimaca da podsjećaju na druge životnije, vrlo je popularno.
- Godine 1556. Shaanxi zemljotres usmratio je čak 830,000 ljudi.
- Pojedine žene u Kini se ponekad prije braka podvrgavaju postupku “vraćanju nevinosti”
- Čuveni kineski kolačići za sreću uopšte nisu kineski, već iz San Franciska.
- Jedan zoološki vrt u Pekingu pokušao je da podvali Tibetanskog mastifa kao lava.
- Šefovi kompanija mogu biti osuđeni na smrt u slučaju korupcije.

- 20 miliona drva posječe se svake godine u Kini kako bi se napravili štapići.
- Sve pande na svijetu ne pripadaju niti jednom zoološkom vrtu, već su na pozajmici iz Kine. A kada već govorimo o pandama, zanimljivo je spomenuti da su nekada davno kineski carevi čuvali pande sa sobom, jer su vjerovali pande da ih one štite od zlih zila i prirodnih katastrofa. Danas se pande smatraju simbolima moći i hrabrosti u
- Facebook, Twitter i New York Times, blokirani su od 2009. godine.